



**Uunga siunnersuut: Inatsisartunut aalajangiiffigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaat nr. 19 30. oktober 1992-imeersup allangortinneqarnissaanik, taamaasillutik kaffinnut akitsuutit eqqartorneqartoq § 1, nr. 11 atorunnaarsillugu.**

(Inatsisartunut ilaasortaq Jens-Frederik Nielsen, Demokraatit)

**Uunga siunnersuut: Inatsisartunut isummerfigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaat nr. 19 30. oktober 1992- imeersup allangortinneqarnissaanik, taamaasillutik tiinut akitsuut eqqartorneqartoq § 1, nr. 11 atorunnaarsillugu.**

(Inatsisartunut ilaasortaq Jens-Frederik Nielsen, Demokraatit)

**Uunga siunnersuut: Inatsisartunut aalajangiiffigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaat nr. 19 30. oktober 1992-imeersup allangortinneqarnissaanik, taamaasillutik neqinut akitsuutit eqqartorneqartoq § 1, nr. 13-17 atorunnaarsillugu.**

(Inatsisartunut ilaasortaq Jens-Frederik Nielsen, Demokraatit)

**Uunga siunnersuut: Inatsisartunut aalajangiiffigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaata allangortinneqarnissaanik, taamaasillutik sukkunut, lakridsinut sukkulaatinut il.il. akitsuutit atuutilersinneqartup § 1, nr. 1-2, Inatsisartut inatsisaanni nr. 23 18. november 2019, atorunnaarsinneqassasut.**

(Inatsisartunut ilaasortaq Jens-Frederik Nielsen, Demokraatit)

(Aningaasaqarnermut Nunamullu Namminermt Naalakkersuisoq)



## Siullermeerneqarnera

Nunatsinni nioqutissat eqqusukkat pillugit akitsuutit pillugit Inatsisartut inatsisaata allanngortinnissaanik siunnersuuterpaaluit sisamaat imm 67,68,69 aammalu 70 Inatsisartut aaliangiiffisassaattut siunnersuutininik saqqummiussanut siunnersuuteqartoq Jens-Frederik Nielsen Naleqqamiit qutsavigisersupparput.

Naleqqamiit akitsuutit pillugit qanoq politikkeqarnersugut naluneqarunnaarnikuuvoq aammalu paasineqariartuinnavippoq, nunap inuisa kaasarfiihinik taallugu aallertuarneq ingasakkaluttuinnartoq pillugu sakkortuuliortaartuutaratta ingasapallaaleqimmat akitsuusersuinersuaq aallaat oqartarluta inuit kaasarfiihinik aallertarneq.

Politikkikkut isummagut ilaatigut sakkortugineqarsinnaasarput ersarissumik oqariartuuteqarataratta nunap inuisa atugaanut sunniuteqapiluttartut innarliisartut pillugit akuerinngilluinnarlugit ilaatigut sakkortugineqarsinnaasartumik isummersortaratta.

Akitsuutinut tunngasut erseqqilluinnartumik isummersorfigisartakkatta ilagaat, akitsuinerit suugaluartulluunniit nunap inuisa kaasarfiihinut malunnaatilimmik sunniuteqartartut sakkortuumik avoqqaarisarneratigut politikkerput ersarilluinnartumik saqqummiuttuarteratigut tassaasoq akitsuutinik eqqussuinerujussuaq akileraarutit saniatigut akileraarutaammat unitsilluinnartariaqartoq nunatsinnut inuuniarnermut akitsitsorsaataasoujussuit ilagimmasuk aningaasanik pisariaqartitsineq akiliisinnaanerpup toqqammavigalugu tulleriaarinikkut aningaasartuutikillisaanikkullu ingerlatsinikkut aaqqissuunniartassagippup isumaqarfigigatigut.

Taamatullu ilanngullugu oqaatigerusupparput sangujoraartorujussuarmik politikkkikkut qinersinerup kingorna pisartut qivaraanni maannakkut Naalakkersuisuutitaqartugut uagut peqataanitsinni politikkerput pillugu ersarilluinnartumik isummersortuarpugut oqaaqqissaarluta akuerinngilluinnarippup inuit inuuniapilooreersut suli qaavatigut artukkeqqillugit kaasarfiihinik aallerlutik akitsuusersuinerit allatigulluunniit akitsueqattaarnerit akuerinngilluinnaratigut.

Allannguiniarluta qineqqusaarpugut aammalu tamanna attapparpup, taamaammat allannguneq siulleq tassaavoq uagut Naleqqamiit Naalakkersuisooqatigiinni



peqataanitsinni akitsuusersuinerit atorlugit aningaasartuutissat matussuserniarneqartarneri piasassanngilluinnartut aaliangiusimagatigu akerlianik akitsuutit akissaqassuseq naapertorlugu tulleriaarinikkut aqqissuusseqqinnikkut akitsuutit immikkut akileraarutinut akitsuutinullu suliassaqarfimmi suliuniutissanut pilersaarutigineqartunut allanut ataqatigiisillugu ingerlanneqassasut Naleqqamiit isumaqarpugut.

Taamaammat Jens-Frederik Nielsen siunnersuutai isumaqatigilluinnakkagut naleqqamiit akitsuutit piiarneqartariaqartut pillugit Kalaallit Nunaanni siunissami akileraarutinut akitsuutinullu ilusiliussassanut isumaliutiginninnernut ataqatigiisillugit sularineqarnissaat qulakkeerneqassasut innersuussutigerusupparput.

Naalakkersusiut saqqummiinermi oqaatigisaatituut Naalakkersuisut naatsorsuutigaat akileraartarnermi iluarsaaqqinnermik suliaqarneq 2021-mi ukiaanerata ingerlanerani aallartinneqassasoq, tamannalu toqqammavigalugu sularigasuarneqarnissaat Naleqqamiit qilanaaralutigu aammalu minnerutsumik nuannaarutigeqaarput kiisami akitsuutinik eqqussuisarnerisuaq ingasappallaalersimasoq atorunnaarlugu akerlianik akitsuutit piarlugit suliuniuteqarluni aallartittoqarmat, tamannalu tamakkiisumik Naleqqamiit peqataaffigissavarput.

Tamatumunnga ilanngullugu nuannaarutigaarput Naalakkersuisut oqariartuutigimmassuk

Partiit tamarmik nutaamik akileraartarnermi iluarsaaqqinnermik suliaqarnerup ingerlanerani partiit tamarmik ilaatinneqassasut oqariartuutigineqarmat.

Naleqqamiit angusaqarsimalluta misigisimavugut akitsuusersuinersuit qimanneqarlutik akerlianik maannakkut politikikkut killiffigineqarmat, tassa akitsuusersuinersuit qaffaasaarnerillu qimanneqassasut inuit kaasarfii nut sunniuteqapiluttartut akerlianilli maannakkut killiffigippat akitsuutit atorunnaarsikkiartornissaat siunnerfigalutigit.

Tamannalu toqqammavigalugu Jens-Frederik Nielsen Demokratiniit siunnersuutaannut sisamaasunut Naalakkersuisut allanngutissatut siunnersuutaanut akissutaat naaperiaanertut pitsaasutut isigaarput. Tassalu allanngutissatut siunnersuut:



"Naalackersuisut akileraartarnermut akitsuusiisarnermullu aaqqissuusseqqinnissamik pilersaarutigineqartumut ataqatigiissillugu, nioqqutissat eqqussorneqartut akitsuutaasa allanngortinnissaannut periarfissamik misissuinissamik peqquneqarnissaat pillugu inatsisartuni aalajangiiffigisassatut siunnersuut."

Taamatut oqaaseqarluta akitsuusersuisarnersuup ingasattajaartumik ukiuni kingullerni ingerlalersimasup unitsinneqarluni akerlianik siunertaqarluni sulilerneq naammagisimaarlutigu Naalackersuisut allannguutissatut siunnersuutaat ilalerlutigu Naleqqamiit oqaaseqateqarpugut.

Qujanaq